

无上秘要卷之四十九

比二

三皇齋品

靈壇壇方二丈四尺纂開四門庚戌戌未纂  
內方方各列九燈對壇設醮一盤一杯方合  
用杯杯量一升盤案三枚脯九片合酒九升

案二十七枚共一席焚香一爐

三皇座各一案天皇在子地皇在中人皇在

寅各一盤一杯一席一香火杯各量酒三升

料案九枚三座合酒九升案二十七枚碧幡

三首幡長五尺各朱書三皇內文於幡上隨

宇多少大小稱綱取全滿上安帶如上青竹

竿三條竿長一丈二尺並作跌安之各作本

位施事後也壇中央又施一香案一香火以

案齋王本命之蠟燭盤缺一具燭三挺副供

讀文四轉用壇上舒席令滿都合用香火八

具案子四枚香燈如法七寸盤三十九枚升

杯三十九枚七真合二具或一日所設脯案

用一日用酒四斗五升案一百三十五枚脯

四十五片若三日則酒用一石三十五升案

四百五枚脯一百三十五片依方合上元香

珠并鍊雲腴沐浴雲水者貧之處止作香信

五和香新清油亦足又燈纂三十六枚布炷

副餘處亦可然燈隨多少晚信物者主本命

隨隨所屬辰色年一尺天皇半繪九大地皇

白繪七大人皇碧繪七文首者並可尺數富

足家又各依方面野一幅巾露席上以施杯

為神座位東碧南緯西白北卑各二又門處

開置

此齋依經應子午時食令人多不能猶依常

法唯夜半行道畢下醮於座共受福有餘聽

分家人敬信者法雖三日亦可一日一夜山

中窮乏處亦可停醮止然燈而已

右齋具所用醮器四幡席並出法師香油信

銀悉出齋家事畢仍為散施

宿啓儀夕登壇風雨入室

北向叩齒十二通曰

香煙玉女上奏三皇真君三十六天神仙靈

官臣等謹為某郡縣某甲有某事達洞神三

皇齋請正爾登壇入室燒香宿啓即日聞

徑進紫宮仰達

三皇真君前乃上香再拜

又上三座香天皇子地皇中人皇寅三再拜

立曰臣某等今燒香拜禮願以此功德上為

國王帝主公卿士庶州郡守宰群臣百司及

臣等存亡父母下遠臣等身并黔黎兆民地

府幽魂山靈水精鳥獸魚蟲一切眾生願各

得其道教除積罪解釋考訟書名丹簡定宇

青篇臣等得與三官之神俱登玄晨上朝上

清奉見聖君賜書受事永成高真仍誦曰

浩浩三天氣 育養萬化物 世情樂其華

真道貴其實 愚俗統末榮 神仙愛本質

精修三皇文 玉靈膜幽室 高唱期太微

稽首朝皇一

又再拜各稱名位曰

太上洞神三皇弟子臣某謹上啓

太上道君太上老君太上丈人三皇玉君九

老仙都君九氣丈人玄都仙官太玄真神上

下三十六天靈司官君太清之神五方天帝

二十八宿中外星官五嶽真官佐命諸山四

海四瀆八澤九源名山洞府水神潛官宇宙

之內一切衆靈等施功普運擬報今生業習虛速識尚清真遂得出形俗外樓光林表服道思玄奄有歲月雖未能智洞幽元神朗妙極而注想靈祇不敢虧替自昔稟受三皇內天文書玉字上可以刻名萬神封掌靈靈下可以救解災患立降福祉按寶齋上錄有祈謝之篇仙都內訣顯禮醮之典上元名香氤氳太空玄腴朱燈炤焯深夜寶趣聖之秘領招真之要法其廣濟四維不限貴賤洪潤八表无隔道俗今有某郡縣鄉里某甲信識真典希尚功福速到此山申訴誠慳求為建三皇齋謝以悔禍祈福巨謹讀辭以聞入辭按詞事款詣情理慳篤巨等既佐世匡危職在扶救其不勝投誠之至謹相携勞率沐浴靈水清身潔已以今月某日共登靈壇入齋堂宿啓陳言當三日三夜一十二時行道禮醮奏聞上官伏願

邪使天清氣朗風捲雲澄功成事遂並可言勞酬賞其軌儀之典須明展啓聞因再拜回行頌曰  
世人修至道 心意懷萬端 耳目亂華色 情志恒不專 小智雖自強 安能保終身 五神失其主 真氣逝不還 若能苦心行 長生保命根 奉戒為我寶 恒執天老言 衆真並權悅 相與迎皇君 至東南向西跪曰  
臣等伏自思省雖備聞法教具稟成規而未  
能實懷豁想今諸漏頓消猶須篤勵以全真業今謹敷經說禁告示同氣并詮授任掌各遵典職請使齋官伏以聽命  
謹按上宰西城真人王君曰夫皇天文書者乃是三皇之時所受上真皇一雲篆之大章者也夫三皇安業則天和地樸紀綱陰陽維制鬼神可以養身安命長存保延乃西王母之所秘說仙官之所崇仰蓋真人寶文矣世人得此書者甚少若能有之則太玄仙都九老仙君輒遣直符衛此真文但旦夕朝敬便

可享其天年五兵五毒災沴不干若能施召豈可得論泄慢之禍天科告罰皇人錄書過可不慎哉  
西城真人又曰夫為名之名喪我之德為事之事亂我之業為欲之欲增我之惑為情之情喪我之賊罪莫大於淫禍莫大於貪咎莫大於饑此謂載禍之舟車也小則危身大則殘家真人王君又戒曰夫欲學道求生先慎諸禁忌然後得與神明通接乃能永保身命如其屢致犯忤則為冥司所執作人尚不可得而況於仙乎今以相告子奉之焉  
第一之禁勿淫慾施泄令身命夭殞  
第二之禁勿陰賊凶虐則三官執罰  
第三之禁勿殺傷含氣則生死執對  
第四之禁勿讒嫉邪佞則人鬼加害  
第五之禁勿竊盜欺濫則身行黜缺  
第六之禁勿憂悲思念令精靈恍惚  
第七之禁勿憤怒洪樂令神爽離越  
第八之禁勿醉酒淫亂令三宮奔潰  
第九之禁勿食五辛血腥令臟腑臭穢

第十之禁勿飢飽寒熱令百病攻結

第十一之禁勿多語多笑則虧損神氣

第十二之禁勿久視久聽則耳目昏翳

第十三之禁勿微慢怠墮則形神醜悖

此十三禁者人身之大患也奉之則生逆之

則死老子所謂生之徒十有三死之徒十有

三其斯之謂乎夫輕則曰戒重曰禁禁戒者

輔身之良方也學仙家以禁戒為鎧甲雖入

三軍矢刃不能傷雖處世間灾禍不得入誠

哉斯言明各勗之

因讀簡授任畢起以向復鑑曰

香煙玉女侍直衆官當令露壇之上齋堂之

中有隱芝玉精在此香燈前令<sub>臣</sub>等得仙身

生紫絡羽文其家享福天下同歡侍壇侍堂

玉女傳奏<sub>臣</sub>言上達

三皇真君前

依法登壇巡行正立北向叩齒三十六通讀

攝精祝曰

混混皇皇上封乾章我受神文開告三皇西

踏金門東昇扶桑北履玄陰南駕正陽進登

大角退躡文昌徘徊奎婁遊宴房入御玉

女出携仙王與天同壽與日合光二十五氣

拂除凶殃

又叩齒十二通祝曰

香煙玉女上奏三皇真君三十六天神仙靈

官小北男生<sub>臣</sub>甲謹為<sub>某</sub>郡縣<sub>某</sub>甲<sub>某</sub>事建

洞神三皇齋請正爾登壇入室燒香開啓即

日上聞徑進紫宮仰達

三皇真君前

又上香畢再拜曰

<sub>臣</sub>清齋絕塵燒香禮謝上為七祖父母遠及

家門並乞原赦積惡結罪解除考訟書名丹

簡定字青篇<sub>日</sub>得與三宮之神俱登玄晨上

朝上清奉見聖君賜書受事永成高真

初酌天皇酒畢再拜曰

<sub>臣</sub>今奉請太元三玄空天甲子元建天皇真

一君願垂臨饗

又曰<sub>臣</sub>今清齋絕塵為<sub>某</sub>甲建立洞神三皇

齋<sub>請</sub>願以今行道燒香<sub>禮</sub>謝之誠仰降天皇

太元三玄真氣為<sub>某</sub>身乞解除先世以來下

達<sub>某</sub>身犯逆上天懸象日月星辰穢慢光景

忿怒風雲毀廢祠祭干觸靈神如此之類凡

一千二百條事皆令消釋乞<sub>某</sub>命係天府名

書天曾定生天簡刊功天開天上諸神垂垂

營護使<sub>某</sub>疾患除愈身體輕強灾危度脫永

保无窮

次酌地皇酒再拜曰

<sub>臣</sub>今奉請三元素靈玉天甲申太虛地皇真

一君願垂臨饗

又曰<sub>臣</sub>今清齋絕塵為<sub>某</sub>甲建立洞神三皇

齋<sub>請</sub>願以今行道燒香<sub>禮</sub>謝之誠仰降地皇

三元素靈真氣來輔<sub>某</sub>身乞解除先世已來

下逮<sub>某</sub>身犯逆后土九地之精諸丘山水源

金石草木鳥獸昆蟲殺害之愆如此之類凡

一千二百條事皆令消釋乞<sub>某</sub>形離地官名

除地錄魄脫地府神超地域地下諸神咸共

擁衛使<sub>某</sub>疾患除愈身體輕強灾危度脫永保

無疆

後酌人皇酒畢再拜曰

<sub>臣</sub>今奉請七微浩鬱虛天甲寅虛成人皇真

一君願垂臨饗

又曰臣今清齋絕塵為某甲建立洞神三皇

齋請願願以今行道燒香醮醮之誠仰降人皇

七微浩鬱真氣來輔其身乞解除先世已來

下逮其身犯逆人倫擅義忠孝之尤姪穢貪

濁虛妄之罪嚴虐苦剋之愆違負神祇之責

如此之類凡一千二百餘事皆令消釋乞其

年踰人分智出人表德宣人綱譽滿人望人

中諸神會同扶濟使疾患除愈身體輕強灾

厄度脫永保无疆

又酌東面酒九再拜曰

臣今奉請東上九天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願願以今行道燒香醮醮之誠仰降東上

九天始陽碧城九氣垂霞來輔其身乞解除

先世以來下逮其身上犯九天之君歲星木

神蒼龍七宿中外諸星官下逮東嶽山陵丘

阜江海川谷一切眾靈其於春三月之中

甲乙寅卯辰日時有行年本命衝破厭殺元

辰刑害灾禍疾病流風毒注虛弱一切諸摧

折墮落之厄者皆令消釋乞其身與真氣合

德景福流光萬禍絕滅年命脩長

又酌北面酒九再拜曰

臣今奉請北上九天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願願以今行道燒香醮醮之誠仰降北上

九天玄陰蒼玄宮五氣飛煙來輔其身乞解

除先世已來下逮其身上犯九天之君辰星

水神玄武七宿中外諸星官下逮北嶽山陵

丘阜江海溪谷一切眾靈其於冬三月之

中壬癸亥子丑日時有行年本命衝破厭殺

元辰刑害灾禍疾病水腫泄痢疾厄痞滿諸

風波沉溺之厄者皆令消釋乞其身與真氣

合德景福流光萬禍絕滅年命脩長

又酌西面酒九再拜曰

臣今奉請西上九天帝王神君眾仙靈官願

並垂臨饗

又曰臣今清齋絕塵為某甲建立洞神三皇

齋請願願以今行道燒香醮醮之誠仰降南上

九天朱光丹臺三氣懸光來輔其身乞解除

先世已來下逮其身上犯九天之君熒惑火

神朱鳥七宿中外諸星官下逮南嶽山陵丘

阜江海川谷一切眾靈其於夏三月之中

丙丁巳午未日時有行年本命衝破厭殺元

辰刑害灾禍疾病癰疽瘡癩溫病疫癘諸暑

齋請願願以今行道燒香醮醮之誠仰降西上

九天素華浩闕七氣流光來輔其身乞解除

先世已來下逮其身上犯九天之君太白金

精白虎七宿中外諸星官下逮西嶽山陵丘

阜江海川谷一切眾靈其於秋三月之中

庚辛甲酉戌日時有行年本命衝破厭殺元

蒸毒蟄之厄者皆令消釋乞其身與真氣合  
德景福流光萬福消滅年命脩長

四方畢乃誦曰

浩浩三天氣 育養萬化物 世情樂其華

真道實其實 愚俗說末榮 神仙愛本質

精心脩皇文 玉靈映幽室 高唱期太微

稽首朝皇一 仍再拜畢

更還北向九再拜跪曰

太上洞神三皇內景弟子小兆 某甲等謹

上啓

太上道君太上老君太上丈人三皇玉君九

老仙都君九氣丈人玄都仙官太玄真神上

下三十六天靈司官君五方天帝太清諸靈

官二十八宿中外星官五嶽真君佐命八山

四海四瀆八澤九源名山洞府水神潛官宇

宙之內一切衆靈 謹重奉其詞上聞上宮

入詞按某甲以輕生賤質尸行凡品幸藉先

慶逢識正化寶經真訣時蒙遵景動靜知教

與居入善非唯一身遺荷抑亦七葉沾賴但

其體倫庸伍馳競人世崖逾引滿易生各悔

加以先世殃譴未息考訟猶繁三災驅除百  
害藏起某甲氣命卑危兼多疾厄夙夜憂惶

肝心震越伏見玉皇寶齋上蘇有祈謝之篇

仙都內訣處禮懺之典此法雖曰高妙而不

限貴賤可以救解災患延降福祉 謹率道

士弟子如千人沐浴玄雲之水使身神凜練

割蓮儲糧之味令腑臟馨潔惡習之繒敷

雲篆皇文幡上元香珠遠徹九天真人燎玄

液之使應玄黃玉庭列四九之燈法象三十

六天醴脯微饋降饗神玄三日三夜行道悔

請至於今如于時乞以此微誠仰願皇君上

帝至聖火神天真衆靈領校仙官賜各告下

群司撥命職宰咸聽察 等啟奏使還拔 某

家七祖父母及餘親族亡魂普與並乞解脫

牢檻原放徒繫休息誦後克離眾罰使各得

還居福堂優遊閑樂佑利子孫不與詞訟年

滿限畢更生人中富貴之家永保懽泰乞請

勅天官吏兵杜里邑君直日直符並擁衛 某

宅舍堂寢之中每誅却精崇消絕鬼殃蕩滌

妖邪宣布正氣若某先亡遺考塚氣相干或

莖送禁忌死喪注氣或館宇廡舍之中藏埋  
枯骨奴婢死鬼傷殘客死流殃百害或呪誓

相引或元事致命皆深殃不絕以生禍患者

並乞和釋執對解離考訟使存亡異境不相

關涉若某身行年本命生胎之月與今年

中歲月日時有三刑六害衝破厭殺天年歲

星約絞羅網及刀兵水火疾病災疫毒蟲劫

盜惡人官符口舌諸不利之死者皆乞從月

到月從日到日從時到時更相傳付依事消

釋必使過度不為患害并 等身恒蒙公私

宗敬遠近依結道業興崇真心日固修行咸

驗服餌效益過度厄運剋成種民永受洪恩

享福元極 共誠惶誠恐稽首頓首再拜以

聞

因稽顙三十下又再拜起誦曰

精心立齋戒 燒香拜皇文 沐浴玄雲水

燔煙通上元 結齋列四九 八帝命神篇

叩心發願念 上聞入三天 七世禍債除

負考亦都歸 過度五道中 削罪成上仙

一日修此法 萬劫為因緣 真道既成就

乃見三皇君

仍復爐曰

香煙玉女侍直眾官當令靈壇之上有隱芝玉精在此香火前令<sub>臣</sub>等得仙身生紫絡羽衣某家享福天下同懽侍壇玉女傳奏<sub>臣</sub>言

上達

三皇神君前畢

入壇北向叩齒十二通祝曰

香煙玉女上奏三皇真君三十六天神仙靈官小兆男生<sub>臣</sub>某甲為<sub>某</sub>郡縣<sub>某甲</sub>某事達洞神三皇齋<sub>辦事</sub>畢正爾登壇入室燒香言功即日<sub>上</sub>聞徑進紫宮仰達

三皇真君前

又上香畢再拜曰

<sub>臣</sub>清齋絕塵燒香禮謝上為<sub>某</sub>七祖父母逮及其家門並乞<sub>原</sub>赦積惡結罪解除考訟書名丹簡定字青篇<sub>臣</sub>某甲得與三官之神俱登玄晨上朝上清奉見聖君賜書受事永成高真

向天皇再拜次向地皇次向人皇並再拜曰

<sub>臣</sub>某甲等清齋絕塵為<sub>某</sub>甲建立洞神三皇齋<sub>辦事</sub>畢願以此燒香禮謝之誠乞解除<sub>某</sub>先世以來下達<sub>某</sub>身存亡千罪萬過皆令消釋使<sub>某</sub>疾患除愈厄度脫長生度世得為種氏

次向四方

東上九天帝王神君眾仙靈官心存九再拜

南上九天帝王神君眾仙靈官心存九再拜

西上九天帝王神君眾仙靈官心存九再拜

北上九天帝王神君眾仙靈官心存九再拜

<sub>臣</sub>今清齋絕塵為<sub>某</sub>甲建洞神三皇齋<sub>辦事</sub>畢願以此燒香禮謝之誠乞解除先世以來下達<sub>某</sub>身千怒萬罪皆令消釋疾患除差灾厄過度長生久視永保无殃

又北向九再拜曰

太上洞神三皇內景弟子小兆<sub>臣</sub>某甲謹上啓太上道君太上老君太上丈人三皇玉君九老仙都君九炁丈人玄都仙官太玄真神上下三十六天靈司官君五方天帝太清諸神二十八宿中外星官五嶽真君佐命八山四

海四瀆八澤九源名山洞府水神潛宮宇宙之內一切眾靈<sub>臣</sub>謹率同學道士弟子如干人身沐玄雲之水列四九之燈法象三十六天以今某月某日建集某日平旦行道凡三日三夜一十二時事畢今晚所言所奏感應御闕所祈所請必降慈澤三皇所奏太上有勅當賜順來請使<sub>某</sub>七祖父母幽魂普爽即蒙昇度自今以後<sub>某</sub>家門昌泰永安安吉世道俱榮公私元會齋功成就諸神仙官屬香煙玉女監齋君吏及土邦城社里邑君輔導宣贊並有勤績證為言功遠賞酬勞報德<sub>某</sub>等數階級一依玄都科典事竟各還本職司蒞如故今毀壇撤席事事復舊<sub>臣</sub>某甲自啓奏對揚神典而冥途遠遠理實遐微法妙難究多有漏失且拜伏不恭心形怠愒香煙參差酒果歇薄愆過之源事貽幽譴私心屏營懼見裁謫伏願上帝眾真賜垂哀亮曲從三赦剋免罪罰仍叩頭再拜復爐曰香煙玉女侍直眾官當令靈壇之上有隱芝

玉精在此香火前令<sub>且</sub>等得仙身生紫絡羽  
文某家享福天下同歡侍壇玉女侍<sub>且</sub>齋竟  
言功上達

三皇神君前

右出三皇齋立成儀

无上秘要卷之四十九

无上秘要卷之五十

塗炭齋品

三

宿啓先依常朝法竟稱治職位號上啓

太上无極大道太上天道君太上老君太上

丈人无上玄老十方靈寶天尊已得道大聖

衆至真諸君丈人玄中大法師天師君上相

上宰四司五帝三界官屬一切神靈<sub>且</sub>等蟲

蟻與穢至微至賤謬藉宿慶生值大化三洞

御運真經下世三師開度授以妙法金書玉

字神仙秘訣受法之日要當聲竭愚聾盡效

筋骨承行經旨奉宣慈澤輔佐師老弘贊幽

顯開濟一切救度天人凡有歸告不救寢塞

謹有請詞<sub>且</sub>等案如<sub>且</sub>辭言款事切實可哀

懇謹相薦率為承天師旨教建義塗炭露身

中壇東轍自縛散髮泥額懸頭銜髮於欄格

之下依靈寶下元大謝清齋燒香稽顙乞恩

剋以今<sub>且</sub>月<sub>且</sub>日於<sub>且</sub>郡<sub>且</sub>縣<sub>且</sub>鄉里<sub>且</sub>館

靈壇之上或<sub>且</sub>家修齋清謝然燈續明照耀

諸天三日三夜各六時行道懺謝<sub>且</sub>家億曾

萬祖父母伯叔兄弟先亡後死下及<sub>且</sub>身无

執數劫億宗以來所行罪業謹依齋法齊到  
某家沐浴清淨宿以啓聞恩惟

太上三尊十方至真玄中大法師毒神鑒映

省覽所言乞教勅靈寶衆官侍經威神三界

官屬及此間土地真官一合同心併力營衛

<sub>且</sub>等身并<sub>且</sub>家大小掃蕩齋所館宅内外誅

滅鬼賊降伏四魔乞<sub>且</sub>等心安神定思念分

明天清地朗啓奏上達齋功成就无有窒礙

<sub>且</sub>等雖復叨忝大法佩服至真既處身五濁

塵穢之中三關未調六情放誕仰賴禁戒以

自檢御輒依齋法說戒威儀使衆官主人咸

服法訓須明且晨晚依法行道續更啓聞

次智慧頌三首

智慧起本无 朗朗起十方 結空時玄霄

自然挹流芳 其妙難思議 虛感真實通

有有竟不有 无无无不无

智慧恒觀身 學道之所先 眇眇入玄肆

自然錄我神 天尊常擁護 魔王為保言

晃晃金剛軀 起超太上仙

智慧生戒根 真道戒為主 三寶由是興